

**“ДЕХҚОНОБОД КАЛИЙ ЗАВОДИ” акциядорлик жамияти
ягона акциядорининг қарори**

Тошкент шаҳри
Навоий кўчаси, 38-уй.

2022 йил “29” ноябрь

“Дехқонобод калий заводи” акциядорлик жамияти томонидан муомалага чиқарилган 2 301 392 924 315 дона оддий эгасининг номи ёзилган хужжатсиз акция пакети жамият ягона акциядори – “Ўзкимёсаноат” АЖга тегишли бўлганлиги сабабли қворум 100 фоизни ташкил қилади.

Ушбу қарор Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуни 58-моддаси ва жамият Уставига мувофиқ 2022 йилнинг “29” ноябрь куни яқка тартибда қабул қилинди ва ёзма шаклда расмийлаштирилди.

КУН ТАРТИБИ:

“Дехқонобод калий заводи” АЖ бошқаруви раисининг ишлаб чиқариш, маҳаллийлаштириш, саноат ва ахборот технологиялари соҳасидаги кооперация алоқаларини кенгайтириш бўйича биринчи ўринбосарини тайинлаш.

Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонуни (кейинги ўринларда – Қонун) 59-моддасига асосан жамиятнинг ижроия органини тузиш, унинг раҳбарини сайлаш (тайинлаш), раҳбарнинг ваколатларини муддатидан илгари тугатиш акциядорлар умумий йиғилишининг ваколат доирасига киради.

“Дехқонобод калий заводи” акциядорлик жамияти бошқаруви раисининг ишлаб чиқариш, маҳаллийлаштириш, саноат ва ахборот технологиялари соҳасидаги кооперация алоқаларини кенгайтириш бўйича биринчи ўринбосари вазифасига заҳира кадр сифатида жамиятнинг “Ишлаб чиқаришни мувофиқлаштириш бўлими бошлиғи-ишлаб чиқариш бўйича бош мутахассис” вазифасида ишлаб келаётган Зарипов Тўлқин Эргашевич номзоди киритилган (*Т. Зариповнинг таржimai ҳоли, меҳнат фаолияти ва заҳира маълумотлари ҳамда вазифага тайинлаш тўғрисидаги аризаси илова қилинади*).

Кун тартибдаги масала юзасидан қарор қилинди (2 301 392 924 315 дона овоз, 100 %):

1. Зарипов Тўлқин Эргашевич 2022 йил 24 ноябрь кунидан “Дехқонобод калий заводи” акциядорлик жамиятининг ижроия орган аъзоси – бошқарув раисининг ишлаб чиқариш, маҳаллийлаштириш, саноат ва ахборот технологиялари соҳасидаги кооперация алоқаларини кенгайтириш бўйича биринчи ўринбосари этиб тайинлансин ва у билан белгиланган тартибда меҳнат шартномаси тузилсин.

2. Жамият номидан Зарипов Тўлқин Эргашевич билан меҳнат шартномасини (шартноманинг амал қилиш муддати – 2025 йил 1 июлга қадар) имзолаш ваколати жамият Кузатув кенгаши раиси О. Темировга берилсин.

3. Т. Зариповга тўланадиган иш ҳақлари “Дехқонобод калий заводи” акциядорлик жамияти “Бошқарув аъзолари меҳнатига ҳақ тўлаш ва рағбатлантириш ҳамда бошқарув ва назорат органларига тўланадиган рағбатлантириш ва компенсациялар тўғрисида”ги низом асосида тўлаб борилсин.

4. Жамият бошқаруви раиси в.б. (Усаров):

- биринчи ўринбосар лавозимига кадрлар заҳирасини янгиласин ва 2022 йилнинг 15 декабрь кунига қадар “Ўзкимёсаноат” АЖга тақдим этсин;

- заҳирани шакллантиришда салоҳиятли ва иқтидорли мутахассисларни жалб қилиниши таъминлансин;

- мазкур қарор кучга кирган кундан бошлаб, Қимматли қоғозлар бозорида ахборот тақдим этиш ва эълон қилиш қоидалари талабларидан келиб чиқиб, тегишли маълумот (муҳим факт)ларнинг ўрнатилган тартибда ошкор қилиниши таъминлансин.

**Жамиятнинг ягона акциядори
“Ўзкимёсаноат” АЖ номидан
бошқарув раиси в.в.б.**

E. Коржиков
(Темиров)
(Зарипов)
(Усаров)
(Дарин)
(Арипов)

